

野不知黎庶之艱宸聰難察是一統之天下不當為數十百等之天下數百兆人之天下又分為數百兆等之天下也夫此數百兆等之天下心不平等力不平等意見不平等度量不平等而欲變新法禦強鄰有志之士所為太息痛恨於秦始皇宋太祖明太祖之誤國也 未完

徐大宗師批示

據邵陽紳士李鍾潛石建勳姚叙典石守成胡廷權姚滙源李元著姚叶奎石秉鈞稟稱擬就愛蓮義學籌費置書擇聘名師甄別內外課額等情此乃學堂初基實為人才起點該紳等能見及此其微識力宏遠甚屬可嘉邵陽僻處一隅風氣較晚全賴識時抱愛之士廣聯同志徧導愚蒙仰體 聖主變法之衷各盡匹夫有責之誼熱力所結攝吸無涯維桑與梓先食其福使者不敏亟欲觀厥成矣所有籌辦一切章程仰即從速呈閱切切特示

劉季香觀察飭導護勘路札

署理湖南鹽法道劉 為札飭事案奉 督部堂張札開光緒二十四年三月初二日准 督辦鐵路總公司事務大臣大理寺少堂盛咨呈開竊照水大臣會同貴部堂暨 北洋大臣王奏准趕辦粵漢鐵路以保利權業經奉 旨照准查粵中商貨關股湘南風氣新開遠先以審勘路基為第一要義昨准貴部堂囑電初勘以探實走何道路為最要並須聯絡地方現湘鄂均各派員應請尊處亦添派一明白可信之員同往俟洋工程司由粵勘至湘界即可偕同覆勘回鄂等因准此應即遴員會勘查有候選縣丞羅國瑞粗習西國語言文字工程縱非專長圖繪畧知門徑堪以札派前往一俟洋工程司由粵勘至湘界即會同湘鄂所派各員按站知照地方官一體導護凡鐵路應用地段逐細測量高低斜直遇河渠山道設法繞越以省工料經過各該州縣何處繁庶可設車站有何物料足資工用均須一一詳審察看周諮博訪筆記圖繪按日詳註迤邐勘至湖北省城為止會同各該員逐細稟覆以憑會商辦理除咨明 兩廣督部堂廣東湖北兩部院一體檄行沿途經過地方官吏妥為導護勿任稍有滋事並札委羅國瑞遵照前往會同勘辦具覆外相應咨呈查照轉飭沿途經過地方官吏一體妥為導護勿任稍有滋事等因到本部堂准此合就札行札到該道即便遵照轉飭沿途經過地方官俟該委員到境一體妥為導護勿任稍有滋事端切切此札等因奉此合亟札飭札到該府即便遵照轉飭沿途經過地方各州縣一體妥為導護毋任稍有滋事端切切此札

南學會問答 ○長沙李綬裳問 ○近聞保衛局之設因款絀刻難舉行竊思烟館有燈費之議妓院有花粉費之條而獨於僧尼坐擁厚貲者則無人講及夫歲龍王宮被火焚毀衣服玩器等件約數千餘金若非坐擁厚貲則焚毀焉有如此之富其餘省城各廟半多糧田坐擁耗厥榮糧若欲保衛局即刻舉行莫如令捐公項否則抽取丁稅又各廟均有會規如長善每年賽會約耗數萬金若 各憲張貼告示令將今年賽會之項捐入保衛局以作費用每年再令捐費若干則於各廟宇既無傷復於保衛局甚有益使此舉若行吾知禦災捍患緝盜安良即不有僧尼不行賽會未有不神歡人樂者然要在各 大憲破除情面刻即施行耳 ○答曰所問皆可行吾一言以斷之曰民智開乃可行否則民以為害已必出死力以拒之也諸公倘能講求學業昌明聖教則祠淫祀者不立佛像而立孔子牌位矣賽會者不賽戲玩而賽商貨物產矣易其道以治之一反掌間耳願君之詳思也 ○黃京東問 ○今日之天下既已可危不得不極力挽回湘省設有學堂學會日開民智未必皆有實效可觀新學一說自王安石已開之安石託周官行事比今日託泰西尤高一等何至宋之天下卒以不振凡事總以順民心為主湘省一切舉動果順民心否乎 ○答曰學者欲通古今必須考究宋立國規模狹隘鑿於黃袍加身之事盡奪兵權利權以歸於上遂使中國貧弱貽害至今安石欲圖富強故變新法而當時守舊者極力阻撓至今功罪是非迄無定說平心而論宋子所創社會之法至今沿用實即青苗遺法稍加變通以雇役代差役宋時亦以為便則安石之新法並非一無可取宋之天下在神宗時早已不振非由安石變法其所以必欲變法者正為圖富強耳謂安石所變之法未能盡善則可謂其不應變法不可也今之天下貧弱不振更甚於宋尤有不能不變之勢小民可與樂成難與慮始法之初變鮮有以為是者仲尼腐裘之謗子產覆尾之歌三代時民情即如是何況後世如必以生事擾民為戒惟有守舊不辦事而已試思舊法如果盡善何以中國如此之弱膠灣屬德旅大屬俄其地未開變法常無不順民情之事何以外國佔據如此其易今日時勢非變法不能自強並不能自存若變法猶未盡善將來可以斟酌損益不當因噎廢食一切不辦至於人心不一或以為便或以為不便焉得人人而濟惟當平情論事而已小民難與慮始士君子識見當在小民之上不得以學會初開而遽疑其無實效更不得於新法未出而逆料其不順民情也

學戰會章程

一此會取兵戰不如商戰商戰不如學戰之義故以學戰命名

二此會以聯通羣力振興新學為主而以急變今日現情發揚中國光榮為念  
 三此會遵照經濟特科六事勉為濟時實學聽會友專門認習或兼涉各學  
 四此會暫假嶽麓書院篤志新齋開辦俟經費充裕再賃舍別遷  
 五會中諸事暫歸倡議數人公同主持日後會巨事繁當由公議舉立會董  
 六入會者應請量力捐資公置書器圖報及為會中一切經費或捐書器圖報亦可  
 七此會急須廣集經費已由倡議人電緘各省勸助捐款  
 八會友各持日記一本凡有疑義新理即隨時登載按期齊集會觀其有應參酌處可以紙筆互相商榷  
 九凡會友來會看書有攜借出閱者住近以五日為限住遠以十日為限務必按期送繳會所並不得攜挾全冊  
 亦不得借給會外人閱閱

十本會每年大會一次每月小會一次  
 十一同會友眾不得自封故步專修游談及為一切干犯名義之事否則變相之圍去來任便  
 十二以上均係試辦章程開會後當隨時增刪

黃粵何廷漢黃藻閣克植黃圭瑞楊慎修黃敦愷黃敦悌李鴻鵬黃敦行黃敦懌張孟元彭會藝等公訂  
 益陽縣王伯平通守考試二場題○推廣時務學堂議 以禮義判彝夏論 舉辦團練說 創修湘粵鐵  
 路議 聞通守于龍州箴言兩書院更訂規章勸導董事各購時務書籍數百卷又自購時務湘學知新湘滬等  
 報相送兩書院俾諸生洞悉中西情形可謂得變法之要領矣

邵陽縣張少棠大令禁止婦女纏足告示○照得地方婦女纏足為害匪輕○國初特頒 明詔定罪以救  
 民生現經上憲通示禁止纏足嚴明湖南設立總會到處官紳入名推廣府廳州縣倡辦分會章程未裹不准再  
 裹已裹八歲勿論誠恐鄉僻處驚疑致礙見聞用特出示曉諭惡俗丕變維新並請團局開導紳民其各遵行  
 倘敢阻撓違抗由局稟請究懲

政躬大安錄蘇報 ○日前 皇上至頤和園駐蹕恭請 皇太后聖駕詣恭邸府第探視政體等情茲聞近  
 日恭親王政體大安赴即奏辭是以 皇上 皇太后未往看視惟時恭王政體雖已復元尚應靜攝排解於三  
 月十九日經總管招約子弟八角鼓時調各曲七音連彈大鼓書詞高聲歌唱音韻幽雅聊以解鬱悶而宣和氣

蓋亦左右善於伺應也

改寺為學堂錄蘇報 ○京城內東四牌樓隆福寺及西四牌樓護國寺房廊密結構幽深寺中喇嘛皆番  
 人聚徒笑傲終歲安閒近日官場擬開大學堂武備學堂而竟地鳩工頗嫌遲緩兼多浪費緣飭該僧等移至北  
 城黃黑兩寺中為久居之地所撤之寺改為大學堂武備學堂之用日內將行辦理矣

拒絕漢人鑛權 ○俄國西北利亞始因地方荒蕪極力招徠中國人移住繼而地方富庶又恐移住者佔  
 其權利欲行拒絕此種行為係步美國舊金山後塵殊不值識者一笑但悲中國人受其愚弄幸及早言旋復  
 我邦族可耳不然俄國內閣已會議立訂二法一係禁阻漢人不准入境二係入境後另立苛例使漢人受其約  
 束聞所議已有端倪不日即須揭示施行矣

論保護香港事錄國報 ○孟哲士得報云嗟乎華人誰能解忠愛之說如英或德或法之臣子者乎當此  
 危急之秋不思維持大局而轉以自寬其所謂忠愛者真令人莫解也即令西人到處皆有祇以自固其身本無  
 足畏而華人畏之尤令人莫測也然其國識時俊傑試反自問將使其土地變為野蠻之境如今之非洲為人  
 所爭奪者乎今俄德英法各國欲於亞東沿海口岸各求分願其謁謀秘計如出一轍於非洲亦然乘時起事不  
 約而同彼此各懷疑忌之心已可概見矣此次德據膠澳雖不同於掩襲人國然心之所蓄即此已見其端矣彼  
 德皇空虛之詞聊以解俄人奮發欲動之意耳觀其昨日在朝所宣之言謂中國戰吾教士燬吾教堂使迫而用  
 兵亦責令優例賠償以杜將來更遭此禍耳故此大舉動了無愧色非示怯於沙侯也蓋其詭譎之謀早握成算  
 故朝發其言而夕略人地也中國將備兵疲不及迴旋籌時潰散軍乘勢直入毫無阻礙未開一砲不死一士  
 而得其所大欲可謂善矣使支那沿海口岸德人有權能獨攬其利益則此番之事中德兩君自行商處無事他  
 權可也惟舉眾皆知有人眈目而視其所垂涎之地則中國之北部也英人所願望之心則以為中國商權操自  
 我英且惟英能操之而已據此兩端恐德不能獨登壘斷也然我英無此兩端糾縛謂屬地之在中國者必須新  
 辟土地以為藩衛亦甚奇矣顧今香港已不可恃矣其地固非險絕之境設有意外之虞其岌岌之形可立而待  
 矣按此情形一旦有急則我英駐華海軍當全移保護方足以禦外侮也其如此軍不能僅保此一方尚須更保  
 他方向也究竟設法增力保護香港是為第一要義此水陸師行家意見相同也夫香港之砲臺衛兵皆不敷用  
 矣以一校之軍而守形勝之地其中煤屯宏富船塢壯美貨材充實者其亦無能為役矣况敵人銳意方張鼓勇

競進爭欲得所虜掠吾能保吾所有不為所攫乎拮据情形已立見矣籌款經營其可緩乎是必須擴充境土其  
所議請中國讓出香港北方海岸一帶及附近島嶼數處方足以固其封其政府已大槩允從矣如此議成之  
後衛兵砲臺即須從速添設如此我英可高枕安臥至在該處行商亦可稍蘇喘息則將來商籌巨款以資辦理  
固不可緩也至小亞西亞情形若按自士但丁訪事所報實足令人駭愕其言曰現德法人陰謀詭計欲將吾人  
驅出小亞西亞其北邊今已歸德國管轄矣其東南至波斯接界則歸俄法掌握中也據此所說局勢誠為可憂  
然將設何法以補救之者尚未及之也

譯者曰夫英歐西之雄國也水師精練橫絕天下以香港一小島耳慘淡經營不遺餘力其憂深慮遠何其至  
哉中國沿海七省要害之區形勝之地倍香港者不知凡幾乃任其孤露不加愛惜多至散亡陸危折入他人  
之手安得如英人者不測日垂涎起而為之保護哉傳曰慢藏誨盜信乎

英國舉動續報○日本報登倫敦電報云英國女帝頃擬出遊列不伊拉地方迨遂以弄春風突然自稱不  
憚遂緩其出遊之期然女帝出令後猶棄輦車散步園內據此觀之女帝所以緩出遊者非為不憚蓋為東方之  
危機日逼一日也且前在亞非利加地方英法兩國相撞突現在兩國之意向甚不相善將有事於干戈然刻下  
東方之危機日逼女帝深憂與法國不相善之不利因召還時法欽差大臣三打遜氏且總理大臣左里斯巴里  
侯亦冒病進謁官廷共相擬議而其事甚秘密外人雖不能聞知然見其後直飭令東亞艦隊齊集烟台大張威  
勢可知其所議者甚不容易也想英國之意一面免與法國相撞突一面又向東方示威強迫中國以伸張自  
國之利權也且現在英國擬請南美智利國購求軍艦其注意於東方愈甚矣

德皇弟來華續報○英國水陸軍務報云德皇弟顯理不憚萬里之遙不惜千金之體帶領兵艦前往中  
華天下各國咸矚目焉聞澳國伯爵蘇展斯冀君擬明年游歷中國以廣見聞一日德皇請蘇君至蒲士敦皇  
宮宴飲席次談及中國時事德皇謂蘇君曰寡人之弟顯理將為中國皇帝子至中國時吾弟必已為中國皇帝  
矣子須探詢吾弟為幸云云由是德澳兩國之人傳為笑話遂呼顯理為中國皇帝矣當德皇命顯理往中國時  
顯理與其妻子岳父母瀟灑而別繼往各戚友並德相俾士麥言別情意纏綿悲喜交雜若有依依者然其辭別  
戚友之言大旨謂此去吉凶未卜惟賴天降之福而已又聞顯理順道來英謁見我君王后其所經之處沿途筵  
宴迎迓不絕云按華人見兵即逃是其長技今德皇弟率雄兵前往無異摧枯拉朽况其至華也已在索款議成

之後則措置一切又無難事而德皇之揄揚乃弟與顯理之鄭重言別真可怪也

記威海撤兵補錄續報○日本北門新聞報云威海衛乃極東形勝之區為日本軍隊所據雖德人佔有膠州  
俄人佔有旅順大連灣然俱不得扼要猶之東方鎖鑰已在日人掌握之中所以歐洲諸強國均如骨之鯁喉不  
能肆其鯨吞祇得從旁默視中國償還兵費日本撤兵然後發難以遂所欲中國至此實有不得不被瓜分之勢  
即與中國和好之國亦不能愛護也且非但不能愛護猶思從中染指此必然之理也且下英與德竭力為中國  
籌措償還日本賠款實欲援此勞績以為索租威海地步英得威海英之權力必重於東方然日本軍隊一日不  
退出威海則英之軍艦雖如星羅棋布絡繹而往亦不過徒糜餉項毫無實濟也不然德人已據膠州如何肯將  
膠州開作通商口岸蓋願作商埠者猶懼威海日軍佔其形勝之故也以威海作牽制中國大局未始非計之得  
者但未悉中國執政亦曾見及此否

輪車賽會續報○紐約報云倫敦有某工藝會懸賞招人作自行遊車以賽巧如有人能造成最妙者  
即賞銀一千一百磅於是智能之士爭出妙法計賽會者已有七十二人其最妙者一為三輪車一為四輪車皆  
不用馬牽能自行於平滑路中以二人乘其上但以指啟閉其機關即能行動來往最快每點鐘能行十二英里  
其力乃燒煤油或燒火酒而生每次添入煤油能行二十英里每車連機器共重約一千四百磅但賽會之期近  
又改遲未知錦標誰奪也

印度亂情續報○彼得保云印度邊地自匪民叛亂以來英軍討之頗形棘手近該匪取路波斯灣及阿  
富汗斯坦向巴浪格母購買武器糧餉其勢愈熾加之春季邊地向寒英軍討之尤不易也查英國現已動用軍  
費二百五十萬磅將來欲平此匪須加倍動用云

俄人測繪續報○鎮西報云東歷四月七日京城訪事人來信云頃高麗國咸鏡道觀察使稟知內務府曰  
俄國武員西歷四月三日抵咸興府者一名俄國陸軍軍務局附大佐一名經理局附少佐其他兵士九名通事  
四名查自海參威來歷訪北道各地衙門自稱吾輩奉命俄國皇帝而來欲查韓國內地山川道路戶數人口也  
因沿途詳細測繪漸向京城前往云

法國準備續報○鎮西報云西歷三月十六日巴黎電報云法國政府飭令海軍府速整頓出師並飭製造  
兵器廠乃製造火藥所急造兵器彈藥該兩所現在晝夜孜孜急造製造又欲補充海軍將士之不足直飭海軍

武備學堂權學習滿二年者補授候補士官直使執士官之任務並飭令巴里府海軍預備士官限二十四點鐘內聚集於沙堡兒克軍港今按法國所以如此擾騷者蓋英俄兩國現將有開釁之端若至開戰即直欲進兵以應援俄國也

鐵路大典錄國間報○香港循環日報云近數年來火車鐵路竟至無國不有即素來守舊之國亦知其能獲利逐漸興工然土地廣大雖有活鐵路若干處終嫌無濟於事一切貨物依然阻滯不通今合地球各國計之軌道之最長者莫如美國德及俄法其次之當一千八百九十七年上半年各國鐵路長英里一萬里以上者僅八國耳茲則計美國鐵路長十七萬九千餘英里德國鐵路長二萬八千餘英里法國鐵路長二萬四千八百餘英里俄國鐵路長二萬四千餘英里英國三島鐵路共長二萬一千餘英里印度鐵路長一萬八千七百餘英里澳洲鐵路長一萬八千六百餘英里加拿大及紐西倫兩處鐵路共長一萬六千餘英里總計五洲鐵路合三十一萬三千英里此外諸島國約共一萬四千英里云

美國巨砲錄大報○美國某鎮廠現在鑄造第一等大砲此砲鑄成足為五洲之冠計該砲身重一百二十墩較之前年俄高博覽會中所列之克虜伯大砲更重大砲砲口徑十六寸彈丸重一墩聞此砲係防護美京紐約海口該砲速率可及十六西里毋論何等極厚鐵甲當之莫不立成齏粉云

- 柳正祐字毓衡長沙人 曹廣開字麓生長沙人 陶森甲字榮林甯鄉人 戴燮南字麗生長沙人
- 胡名珖字紹卿善化人 汪兆燾字功魯善化人 湯光輝字定蓀善化人 劉良璽字少海善化人
- 蘇建勳字谷生善化人 王大椿字棟生善化人 蘇斯民字普臣善化人 羅紹烈字冕臣善化人
- 饒景雲字漢昭瀏陽人 陳保彝字季原長沙人 黃為璋字子申長沙人 黃為璣字子成長沙人
- 黃亨理字潤誠長沙人 楊昌濟字華生長沙人 余式德字柄生長沙人 黃國峻字麓峰長沙人
- 向榮先字南枝平江人 楊希尹字苜生長沙人 毛際飛字翰岑安鄉人 楊德鄰字符生長沙人
- 鄭業瑜字曉雲長沙人 鄭先喻字嘯滄長沙人 鄭業堯字叔度長沙人 鄭先亨字六峰長沙人
- 鄭先琦字璋軒長沙人 鄭業槩字研生長沙人 羅聞夫字彥夫長沙人 鄭先英字笛峰長沙人
- 黃仁杰字子元長沙人 劉清溪字 瀏陽人 李意符字 瀏陽人 張居敬字仲雲善化人

# 失票聲明

啓者三月初四日漢口天成豐庄立票向長沙本號三月底兌交鼎記長平足紋壹千兩票係是月十三日岳州恒昌錢號交森昌信行遞送長沙達順照收於二十日在平江縣地方被盜搶去當在該縣報案茲復在善化縣存案並請有論單交天成豐嗣後無論中外各色人等拾得此票均作為廢紙特此聲明以便週知此佈

岳州王恒昌 長沙天成豐全啓

# 南學會會告白

現在各種中西書籍均已購備齊全有來閱書者請至本會領取憑單如因終日閱書需購飲食者可由本會齋夫備飯每餐酌送飯費

# 譯書公會報

本報專譯東西各國報章雜史傳記每月出報四冊全年四十六冊由滬寄湘發售每月取費六角全年售洋五元外加寄費二角凡願閱者請至湘報館掛號隨繳報資以便按期寄送

# 濟世良醫

湘鄉吳君號息機道人  
寓湘鄉昭忠祠轉白

# 印送不纏足歌

凡欲閱者請至南正街翁宅領取

## 泐潭寺記 新學書局

移至府正街

閏三月二十二日日用各物時價表

物名	每實	比較	物名	每實	比較
銀	兩湘平	一千三百二十八文	銀圓	每串十足	七錢五分 湘平 九百十文
錢票	千文	七錢四分一厘	典錢	每串十足	七錢九分七厘
上白米	石	三千六百文	大白米	石	一千五百十二文
中米	石	三千四百文	河東谷	石	一千六百六十文
河西谷	石	一千七百三十五文	灰	百勛	四十二百文
洋麵	包	二兩九錢五分	淮鹽	勛	五十六文
茶油	百勛	七兩一錢	菜油	百勛	七兩四錢
牛油	百勛	一兩七錢八分	桐油	百勛	六兩
牛油	百勛	一百二十文	粟木炭	百勛	九百五十文
歡喜炭	百勛	六百五十文	上棉花	百勛	十六兩八錢
中棉花	百勛	十六兩四錢	下棉花	百勛	十五兩六錢
頭印折表	石一百四十四刀	三兩九錢	二印折表	同前	三兩五錢
三印折表	同前	三兩三錢	吳庄紙	石	三兩八錢
塊煤	石	三百六十文	煙煤	石	三百一十文
柴煤	石	二百四十文			

### 平等說

繆前稿

善化皮嘉祐撰

難者曰子所言者於君臣一端獨詳殆君臣外無可言平等者歟果爾則平等之不可推行也釋之曰父子天屬異於君臣然儀禮嗣舉奠父答子拜婦見舅姑舅姑答拜是古於父子有平等之義也夫婦位定內外義協比偶妻之言齊非有等差宋明諸儒扶陽抑陰謂夫可再娶婦不得再嫁貞女不得事二夫維持風化非不甚善然待婦女太苛乖平等之義泰西貴女賤男與中國適相反則亦不得其平至於父子之間長則異處各謀其生雖似不相往來視若秦越然其國律有獨子留養一條則亦非全無父子者禮由命士以上父子皆異宮亦恍然與西例相近是動以無父斥人者殊可以不必矣夫大地之上環球數十萬萬里列族數百萬萬兆顯等國也趾等方也心思等具也官骸等全也歐亞美澳非等洲也黃白紅棕黑等種也士農工商等類也富貴貧賤等人也等者同之異名也天下皆與我同則我當同天下而無殊等者齊之別語也萬物悉與我齊則我必齊萬物而為一由前之說平等自屬人情由今之說平等尤為要義一鄉之中言平等之義則鄉為仁善之鄉而鄉必安一家之中言平等之義則家為和好之家而家必昌一國之中言平等之義則國為康樂之國而國必強天下之中言平等之義則天下為太平之天下而天下必治且也有講學會則士知平等可以革其門戶之見而化為和讓有農學院則農知平等可以去其頑梗之性而化為純良有工學院則工知平等可以除其欺詐之習而化為信實有商學院則商知平等可以變其專利之私而化為公正夫人各挾一和讓純良信實公正之心即莫不有仁善忠恕之道舊黨新黨不必開中學西學不必爭平天下為一等平億兆人為一等中國之強可立俟也今吾湘立南學會每次宣講官紳士庶列坐其中休休乎無畛域之分上下一體矣噫平等之事原不僅此而此殆為湘中諸事之起點歟湘中諸事平等之起點尤為他省平等之起點歟夫平等固泰西之所重也風俗尚平等公法主平等因平等而有與兵會因平等而有紅十字會然而人言平等國之不平者若吾猶惜其平等之未能推行也推平等於天下必先平其待天下之心彼類等我類也母虐土番之族而輕之彼教等我教也母爭教會之異而攻之彼國等我國也母奪他人之土而并之彼民等我民也母精殺人之具而戮之其不平者其不平者俄擬於平等而歸我旅順大連英率於平等而讓長江利權德制於平等而還我膠島船塢法阻於平等而舍我龍州鐵路日本拘於平等而繳我巨款復我臺灣東南數藩屬仍服我保護沿海諸口岸終隸我版圖各國瓜分之謬議可以解五洲犄角之兵禍可以寢離秦秋之太平禮運之大同亦無有加於是也意者其在數百年以後乎

湘報第六十號

二百三十七